

Давлат тиббий суғуртаси жамғармаси маблағларини шакллантириш ва уларнинг сарфланиш тартиби тўғрисидаги НИЗОМ

1-боб. Умумий қоидалар

Мазкур Низом Давлат тиббий суғуртаси жамғармаси (кейинги ўринларда – Жамғарма)га юклатилган вазифаларни бажариш ҳамда ва унинг функцияларини амалга ошириш учун зарур маблағларни шакллантириш ва сарфлаш тартибини белгилайди.

1. Ушбу Низомда қуйидаги асосий тушунчалар қўлланилади:

тиббиёт ташкилоти – қонунчилик ҳужжатлари талабларига мувофиқ тиббий фаолиятни амалга ошириш ҳуқуқига эга бўлган юридик шахс;

амбулатор тиббиёт муассасаси – аҳолига амбулатор тиббий хизмат кўрсатувчи бирламчи тиббий-санитария ёрдами муассасаси;

“аҳоли жон бошига” тўлов – тасдиқланган базавий ставкалар ва коэффицентларни бириктирилган аҳоли сони ва таркиби (ёш ва жинси)га қўллаган ҳолда молиялаштириш усули;

“глобал бюджет” бўйича тўлов – тиббиёт ташкилоти томонидан муайян даврда аҳолига белгиланган ҳажмларда тиббий хизматларни кўрсатиш харажатларини қоплаш учун молиялаштириш усули;

“хар бир даволанган ҳолат” бўйича тўлов – стационар шароитда тасдиқланган даволаш стандартлари ва клиник протоколларга мувофиқ кўрсатиладиган тиббий ёрдамнинг базавий ставка ва тегишли коэффицентларни қўллаш орқали молиялаштириш усули.

2-боб. Жамғарма маблағларини шакллантириш манбалари ва сарф қилиш йўналишлари

2. Қуйидагилар Жамғарма маблағларини шакллантириш манбалари ҳисобланади:

Давлат бюджетидан олинган маблағлар;

Жамғарманинг ғазна ҳисобварақларида вақтинча бўш турган маблағларни тижорат банкларининг депозитларига жойлаштиришдан тушадиган даромадлар. Ушбу даромадларнинг 50 фоизи Жамғарма ижро этувчи аппарати ва ҳудудий бўлинмалари фаолиятини молиявий ва моддий-техник жиҳатдан таъминлашга, қолган 50 фоизи Жамғармага юклатилган вазифаларни бажариш билан боғлиқ чора-тадбирларни молиялаштиришга йўналтирилади.

жисмоний ва юридик шахсларнинг ҳомийлик хайриялари;
халқаро молия институтлари ва хорижий ташкилотларнинг грантлари;
қонун ҳужжатларида тақиқланмаган бошқа манбалар.

3. Жамғарма маблағлари Жамғарма Кузатув кенгаши томонидан тасдиқланадиган тақсимотга мувофиқ қуйидаги мақсадлар учун йўналтирилади:

давлат томонидан қафолатланган тиббий ёрдам доирасида тиббий хизматларни давлат ва нодавлат тиббиёт ташкилотларидан харид қилиш;

имтиёзли тоифадаги шахсларни даволаш харажатларини ўрнатилган тартибда қоплаб бериш;

давлат тиббий суғуртаси дастурини ҳамда имтиёзли дори воситалари таъминотини молиялаштириш;

давлат тиббий суғуртасининг ягона электрон ахборот тизими ва ресурсларини яратиш ҳамда уларнинг узлуксиз ишлашини таъминлаш;

Жамғарманинг тасдиқланган бюджети доирасида мақсадли дастурлар ва бошқа чора-тадбирларни амалга ошириш;

Жамғарма ижро этувчи аппарати ва ҳудудий бўлинмалари фаолиятини ташкил этиш, шу жумладан, молиявий ва моддий-техник жиҳатдан таъминлаш, бино ва иншоотларини таъмирлаш ва сақлаш;

ахборот ва алоқа хизматлари учун тўловларни амалга ошириш;

банк хизматлари учун тўловларни амалга ошириш;

тиббий суғурта соҳасида халқаро ҳамкорликни амалга ошириш;

қонунчилик ҳужжатларига мувофиқ бошқа мақсадлар учун тўловларни амалга ошириш.

3-боб. Жамғарма бюджетини шакллантириш тартиби

4. Кейинги молия йили учун Жамғарманинг бюджет сўровини шакллантириш давлат томонидан қафолатланган тиббий хизматлар ва дори воситалари пакети (кейинги ўринларда – қафолатланган пакет)га киритилган тиббий хизматлар, дори воситалари қўлами ва сони, аҳоли сони ва таркиби, даволаниши режалаштирилган имтиёзли тоифадаги шахслар сони ва касалликлар турлари тўғрисидаги маълумотлар асосида амалга оширилади.

Кейинги молия йили учун Жамғарманинг бюджет сўрови ҳудудлар кесимида шакллантирилади ҳамда тегишли ҳисоб-китобларни илова қилган ҳолда жорий йил 15 июлга қадар Иқтисодиёт ва молия вазирлигига киритилади.

Аҳоли жон бошига тўлов усули бюджетини шакллантириш

5. Аҳоли жон бошига молиялаштириш учун зарур маблағлар миқдорини ҳисоб-китоб қилишда қўлланиладиган кўрсаткичлар:

охирги 3 (уч) йилда аҳолининг ўртача ўсиш коэффициенти (<https://goo.su/a2FE11>) ;

инфляция даражасини (<https://goo.su/fybUpaN>) тасдиқланган базавий ставкаларга қўллаш орқали кейинги молия йили учун қўлланиладиган базавий ставкалар миқдори;

аҳолининг тиббий ёрдамга бўлган эҳтиёжини ифодаловчи ёш ва жинс коэффициентлари;

аҳолининг зичлиги ва тузатиш коэффициенти.

Аҳолига жон бошига молиялаштириш маблағларига бўлган эҳтиёжни ҳисоблаш учун мисол ушбу Низомнинг 1-иловасида келтирилган.

6. Аҳоли жон бошига молиялаштириш учун зарур маблағлар миқдорини аниқлашда тиббий ахборот тизими орқали бириктирилган аҳоли сони ва таркиби тўғрисида жорий йил 1 июль ҳолатидаги маълумотлардан фойдаланилади.

Бунда, барча амбулатор тиббиёт муассасаларига бириктирилган жами аҳоли сони расмий статистик маълумотлардан ошиқча бўлган тақдирда аҳоли жон бошига молиялаштириш ҳажмини аниқлашда республика ҳудудида истиқомат қилувчи умумий аҳоли сони бўйича расмий статистик маълумотлардан фойдаланилади.

Глобал бюджет ва ҳар бир даволанган ҳолат учун тўлов усули бюджетини шакллантириш

7. Глобал бюджет ва ҳар бир даволанган ҳолат учун тўлов усули бўйича молиялаштириш ҳажми тиббиёт ташкилотлари томонидан тиббий ёрдам кўрсатилишини ташкил этишдаги барча жорий харажатлардан келиб чиққан ҳолда аниқланади.

Бунда, тиббиёт ташкилотини жорий йилда сақлаш харажатлари миқдорига инфляция даражаси қўлланади.

Тиббиёт ташкилотларини сақлаш харажатлари қуйидагилардан иборат:

- иш ҳақи ва унга тенглаштирилган тўловлар;
- озиқ-овқат маҳсулотлари ва дори воситалари харажатлари;
- коммунал хизматларга харажатлар;
- телефон ва бошқа телекоммуникация хизматларига харажатлар;
- қўриқлаш хизматларига харажатлар (қонунчиликка мувофиқ бюджетдан ажратилиши белгиланган тиббиёт ташкилотлар учун);
- бино-иншоотлар ва транспорт воситаларини сақлаш харажатлари (бино-иншоотларни жорий ва капитал таъмирлаш харажатлари бундан мустасно);
- ходимларни моддий рағбатлантириш бўйича харажатлар.

8. Жамғарманинг тегишли молия йили учун бюджет сўрови Иқтисодиёт ва молия вазирлигига тақдим этилгандан сўнг қабул қилинган меъёрий-ҳуқуқий ҳужжатларга мувофиқ тасдиқланган дастур ва тадбирларни амалга ошириш ҳамда янги ташкил этилган тиббиёт ташкилотларини сақлаш учун маблағлар Давлат бюджетидан Жамғармага қўшимча равишда ажратилади.

Имтиёзли тоифага кирувчи шахсларни даволаш харажатларини қоплаш учун зарур маблағлар миқдорини аниқлаш

9. Имтиёзли тоифага кирувчи шахсларни даволаш харажатларини қоплаш учун зарур маблағлар миқдори амалдаги базавий нархларга инфляция даражасини қўллаган ҳолда аниқланган миқдорларни ўтган йилнинг шу даврига нисбатан жорий йилдаги беморлар сонининг (касалликлар турлари кесимида) ўсиш суръати асосида шакллантирилган беморлар сонига қўпайтириш орқали ҳисоб-китоб қилинади.

Бюджет сўровини шакллантириш муддатлари

10. Жамғарма ҳудудий бўлинмалари томонидан 5 июлга қадар навбатдаги молия йили ва келгуси икки йил учун зарур маблағлар ҳисоб-китобини ташкилотлар кесимида Жамғарманинг тегишли таркибий бўлинмаларига тақдим қилади.

11. Жамғарманинг умумий бюджет сўрови ҳудудлар ва ташкилотлар кесимидаги ҳамда алоҳида дастурлар бўйича ҳисоб-китобларни ўз ичига олган ҳолда шакллантирилади ва 15 июлга қадар Иқтисодиёт ва молия вазирлигига киритилади.

12. Ўзбекистон Республикаси Давлат бюджетини тасдиқлаш тўғрисидаги Қонунига мувофиқ Жамғармага ўтказиладиган трансфертлар Жамғарманинг алоҳида ғазна ҳисобварақларида жамланади. Бунда, Жамғарманинг йиллик бюджетининг 3 (уч) фоизига тенг қисми алоҳида ғазна ҳисобварағида захира маблағлари сифатида режалаштирилади. Мазкур захира маблағлари фавқулодда вазиятларни бартараф этиш, кўзда тутилмаган харажатларни қоплаш ва бошқа мақсадлар учун Жамғарма Кузатув кенгашининг қарорига асосан сарфланади.

4-боб. Жавобгарлик ва назорат

13. Тиббиёт ташкилотига Жамғарма томонидан тўланган маблағларини мақсадли ва тўғри сарфланишини ҳамда ҳисоби юритилишини таъминлаш учун тиббиёт ташкилоти раҳбари жавобгар ҳисобланади.

14. Жамғарманинг умумий бюджет сўровномасини шакллантиришда фойдаланилган тиббиёт ташкилотларининг фаолиятига тааллуқли бўлган тегишли тиббий ахборот тизимига киритилган ҳамда тақдим этилган бошқа маълумотлар тўғрилиги ва асослилиги юзасидан жавобгарлик тиббиёт ташкилоти раҳбари зиммасига юклатилади.

15. Жамғарма маблағларининг тақсимланиши ҳамда сарфланиши Жамғарманинг Ички аудит хизмати томонидан доимий равишда назорат қилинади.

5-боб. Яқунловчи қоидалар

16. Ўзбекистон Республикаси Иқтисодиёт ва молия вазирлиги Жамғарма маблағларини шакллантириш ва уларнинг сарфланиши жараёнида вужудга келадиган муаммо ҳамда масалаларни тартибга солиш ваколатига эга.

17. Ушбу Низом талабларига риоя қилмаган мансабдор шахслар қонунчилик ҳужжатларига мувофиқ жавобгар бўладилар.

Давлат тиббий суғуртаси жамғармаси
маблағларини шакллантириш
ва уларнинг сарфланиш тартиби
тўғрисидаги низомга 1-илова

Бирламчи тиббий-санитария ёрдами муассасаларига тиббий ахборот тизими орқали бириктирилган аҳоли сони ва таркиби тўғрисида 1 июль ҳолатига киритилган маълумотлар қуйидаги намуна кўринишида олинади;

№	Худуд номи	Муассаса номи	Аҳоли сони	Бириктирилган аҳоли сони	0-12 ойлик	1-5 ёш	6-14 ёш	15-39 ёш аёл	15-39 ёш эркак	40-49 ёш аёл	40-49 ёш эркак	50-65 ёш	66 ёш ва ундан юқори
					аҳолиси	аҳолиси	аҳолиси	аҳолиси	аҳолиси	аҳолиси	аҳолиси	аҳолиси	аҳолиси
	Сирдарё вилояти	Жами	862 334	862 334	21 253	90 409	143 127	175 452	170 820	55 578	53 532	116 772	35 391
1	Шаҳар	КТМП	172 082	94 329	2 300	8 925	14 597	20 041	19 392	5 815	5 425	12 239	5 595
2	Шаҳар	ОП		69 202	1 346	6 375	10 836	14 176	14 617	4 183	4 301	9 774	3 594
3	Туман	КТМП	690 252	159 259	3 707	16 293	26 277	33 013	30 559	10 329	10 171	23 210	5 700
4	Туман	ОП		315 915	7 880	34 112	51 906	62 949	61 076	22 125	20 745	43 738	11 384
5	Туман	ОШП		223 629	6 020	24 704	39 511	45 273	45 176	13 126	12 890	27 811	9 118

ёш ва жинс коэффицентлари;

Ёш ва жинс коэффицентлари	0-12 ойлик	1-5 ёш	6-14 ёш	15-39 ёш аёл	15-39 ёш эркак	40-49 ёш аёл	40-49 ёш эркак	50-65 ёш	66 ёш ва ундан юқори
	2,28	1,51	0,94	1,05	0,59	1,1	0,73	1,1	1,15

Тегишли ёш ва жинс коэффицентларини қўллаш орқали бириктирилган аҳолининг йиллик молиялаштириш миқдорини ҳисоблаш учун зарур аҳоли сони аниқланади.

№	Худуд номи	Муассаса номи	0-12 ойлик	1-5 ёш	6-14 ёш	15-39 ёш аёл	15-39 ёш эркак	40-49 ёш аёл	40-49 ёш эркак	50-65 ёш	66 ёш ва ундан юқори	Молиялаштириш учун жами аҳоли сони
			аҳолиси	аҳолиси	аҳолиси	аҳолиси	аҳолиси	аҳолиси	аҳолиси	аҳолиси	аҳолиси	
	Сирдарё вилояти	Жами	48 457	136 518	134 539	184 225	100 784	61 136	39 078	128 449	40 700	873 885
1	Шаҳар	КТМП	5 244	13 477	13 721	21 043	11 441	6 397	3 960	13 463	6 434	95 180
2	Шаҳар	ОП	3 069	9 626	10 186	14 885	8 624	4 601	3 140	10 751	4 133	69 015
3	Туман	КТМП	8 452	24 602	24 700	34 664	18 030	11 362	7 425	25 531	6 555	161 321
4	Туман	ОП	17 966	51 509	48 792	66 096	36 035	24 338	15 144	48 112	13 092	321 083
5	Туман	ОШП	13 726	37 303	37 140	47 537	26 654	14 439	9 410	30 592	10 486	227 286

базавий ставка;

Бирламчи тиббий санитария ёрдами муассасаси тури	Базавий ставка
Шаҳар кўп тармоқли марказий поликлиника	75 000
Шаҳар оилавий поликлиника	
Туман кўп тармоқли марказий поликлиника	
Туман оилавий поликлиника	
Оилавий шифокор пунктлари	

муассаса тури коэффициенти;

Коэффициентлар номи	Муассаса тури коэффициенти (бириктирилган аҳоли учун)
Муассаса тури (оилавий шифокорлик пунктига бириктирилган аҳоли учун)	2,219
Муассаса тури (туман оилавий полилиникасига бириктирилган аҳоли учун)	2,209
Муассаса тури (туман кўп тармоқли марказий поликлиникасига умумий аҳоли учун)	1,098
Муассаса тури (шаҳар оилавий полилиникасига бириктирилган аҳоли учун)	2,801
Муассаса тури (шаҳар кўп тармоқли марказий поликлиникасига умумий аҳоли учун)	1,352
Муассаса тури (шаҳар ва туман кўп тармоқли марказий поликлиникасига бириктирилган аҳоли учун)	1,000

муассасанинг йиллик бюджети;

№	Худуд номи	Муассаса номи	Аҳоли сони	Молиялаш- тириш учун жами аҳоли	Тузатиш коэффи- циенти	Муассаса тури коэффициенти (бириктирил- ган аҳоли учун)	Бюджет					
							КТМП умумий аҳоли	КТМП бирикти- рилган аҳоли	ОП	ОШП	Жами йиллик	Бир ойлик
	Сирдарё вилояти	Жами	862 334	873 885	х	х	74 291 367	19 237 584	67 693 855	37 826 001	199 048 807	16 587 401
1	Шаҳар	КТМП	172 082	95 180	1	2,219	17 449 115	7 138 512	0	0	24 587 627	2 048 969
2	Шаҳар	ОП		69 015	1	2,209	0	0	14 498 395	0	14 498 395	1 208 200
3	Туман	КТМП	690 252	161 321	1	1,098	56 842 252	12 099 072	0	0	68 941 324	5 745 110
4	Туман	ОП		321 083	1	2,801	0	0	53 195 459	0	53 195 459	4 432 955
5	Туман	ОШП		227 286	1	1,352	0	0	0	37 826 001	37 826 001	3 152 167

*БХМ – базавий ҳисоблаш миқдори.

Бунда, БХМ миқдори ўрнатилган тартибда ўзгартирилганда базавий ставкалар миқдори ҳам шунга боғлиқ ҳолда ўзгартирилади ҳамда тегишли ҳисоб-китобларда қўлланилади.

Изоҳ: Базавий ставка миқдори, муассаса тури ва тузатиш коэффициентлари ҳар йили Жамғарма Кузатув кенгаши томонидан қўриб чиқилади.